

SAISON 2011

Jänner

Im Winter hot , des wiss ma schon,
das Biken net grod Hochsaison.
Frühstückn und kegl'n wor amfoch net gnuat,
das Team hot zum Plauschn wos Neigs gmocht dazua.
Gechattet is worden, vom „Guten Morgen“
bis hin zum Dazöhl'n von monch ane Sorgen.
Der Ane hot gschnottert schon gonz in da Fruah,
de Ondern in da Nocht, wo olle Augn woarn schon zua!
Aber Ana hot meist sich sölba wos erzählt,
zum Seyffenstein hotm Mick echt nimmer viel gfehlt!
Im Jänner kam ins Forum a a Naturgewalt
und zwar in Form von Börny seiner Gestalt.
A frecher Lackl und groß noch dazua,
klan kriagt hom ma ihn net, den zentralsteirischen Bua!



Feber

Im Feber wos Wetter echt oft schon schen,
da Gernot wollts Tafel schon holen gehen!
In dem Monat war a die Bike in Linz-
wegen der Spruch: in Linz beginnts:
gschniebn hots fest, kleschkolt war a,
trotzdem warn einige Freebiker da!
Die Mädls homs ongschaut, die Männer, SEHR gerne,
Mopeds net so, das Frühjahr schien noch in weiter Ferne!
Genauso wos a, des war echt schade,
im Feber dominierten die Minusgrade!

März

Anfang März hom Anige gholt ihre Nummern,
untertags merkt ma, dass der Frühling is kumman!
Der Bikeropernball is a wieder zum Leben erwocht,
de wos dort worn hom a Gaude ghobt und viel glocht!
Bei der ersten Ausfahrt ins Steirerland
war der Gernot nix gor so guat beinand!
Fieber, Husten, der Schweiß is gronnen,
so hom die Freebiker mit eam die Saison begonnen!
A Viecherl hom ma a noch im März kriagt dazua,
nämlich dem Gernot sei rot-weiße Kuah!
Man munkelt zwoa, sie geht net guat-
oder ob er ament so viel bremsen tuat?

April

Der Manitu, der redt net viel,
außer, er hot a bestimmtes Ziel!
Nach Ungarn fuhr er zum Shoppen und Schmausen,
zum Varaluis auf Kurbesuch und a Jaus'n!
Richtig rundgangen is es im April,
das Wetter war schön, gfahrn wordn is viel!
Bei Pezis Wirtshausgeheimtipp warn alle echt platt-
dort sollt man net hungrig hingehn, sondern nur satt!
Stammtischeröffnung woar a im April,
mit Trompetengebläse- aber dazua sog i net viel!

Mai

Als Planer und Guide schon gut bekannt,
ging's mit Wolferl ab ins Burgenland!
A schöne Burg homs dort a gfunden,
woarn a nix z'faul, de zu erkunden!
Als Eschli nahm die Axt in die Händ,
is da MotoRacer sicher grennt!
Da Ghost rider hot mit an Helm sich verziert,
damit er im Notfall net goa so vül gspiat!
Im Mai ließen a viele ihre Motorradl weih'n,
ob in Fernitz, Lavamünd oder im Route69!
Und die Fahrten über Wildalpl und Loiblpass
Warn für DES Wetter im Mai fost gar nix nass!

Juni

Übern Seeberg, rauf und runter,
fuhren 15 Mopeds munter,
um in Jezerska gut zu schmausen,
danach nach Kärntn zruck ume zu sausn!
24 zache Freebiker an der Zahl,
des Patzl Regen war uns egal!
Am 19.Juni gings dann zum Pfarrer Brei,
viele Wallfahrer warn leider net dabei!
Vom Wetter hom die meisten sich obholtn glossn,
wal in der Fruah hots wirklich obagegossn!
Gfahrn san ma für an guatn Zweck,
drum woar a bold der Regen weg!
Beim Gernot hintn oben huckn,
wenns schneller wird-holt zubeschmuckn,
a Mol hot er mi glott vergessen,
do bin i holt beim mofa aufegsessn!

Juli

3. Ausfahrt- aufn Magdalensberg san ma gfohrn
sicher so an die 30 Moppalan mit woarn!
Und Krügalan hom ma ghobt, aniges über dreißig,
im Schattn- gschwitzt hom ma domols wirklich fleißig!
I man net de Krügerl, de durch die Gurgel rinnen,
sondern de wos es onzagt im Thermometer drinnen!
Schleichwegerl erkunden, rum ums Eck-
oft bleibt an fost die Spucke weg,
wos der Varamani do hot für Straßerl ersonnen-
oder hot gach nur sei Navi gspinnen?
Den Mexx hots uns auf der Soboth in die Arme getrieben,
als 270. Mitglied is er bei uns Freebiker verblieben!
Und noch wos muss i euch erzähl,
des darf auf goar kann Foll do fehlen:
da Ludwig hot a neue Liebe-
wieder ane mit Getriebe!
Ka Grund zum Eifern für die „Oltn“,
beim Ludwig san eh olle guat geholtn!
A Ausfahrt für Anfänger warat a Hit-
gesagt, getan-7 kommen mit!
Rote Gsichter, es rinnt der Schweiß,
an dem Tog is es richtig heiß!
Doch olle zfrieden und fröhlich warn,
zur Kühlung sans holt a bissale schneller gfohrn!
Den Bart rasiert, kane Haar auf die Haxn.
sonst tat des Hondawuzzal waxn
dem Godi seine Luxusbeine-
doch Chance als „Dame“ hat er keine!
Die Damen fahren ohne ihn-
die Ausfahrt is rein feminin!

August

Im August gings wieder ins Burgenland
mit unserm Rudi- eh allen bekannt!
Vor allem bekannt für sei Flexibilität-
kurzfristig ongsogte Fahrten san sei Spezialität!
Aufn Hochrindl fuhren wir mit Tommi und seiner Miss Titty,
i man : mit Tina, ihr Leiberl woar ähnlich dem von Miss Kitty!
A zweite Damenausfahrt, a schon bekannt,
7 Pässe Tour auch-als Hardcore benannt.
Die Ausfahrt in die Rachau is a net zu vergessen,
die Hoartn von uns woarn davon besessen
mit stramme Wadln und net mit der Maschin
zu wandern hoch über den Wipfeln dahin!

Ongführt hot de Menge an Buam und Maderl
der Luitschi im passenden Tempo übers Gaberl!
Und ans is seit August bei uns a noch gonz nei,
die „Nordlichter“ san mit an eigenen Unterforum dabei!

September

Auf einmal woar er do, der Zeitenwechsel im Joahr,
die Hitz woar weg, die Luft woar gonz kloar,
der Herbst is kommen, ganz still und leise,
auf sei ruhige und bunte Art und Weise!
Will noch wer a flottes Runderl wagen?
Dann braucht er nur den Gernot fragen!
Über Stock und über Stein
geht's bis zur Sperre am Kölnbrein!
Bei der 5.Forumsausfahrt dann
kummt dieses Mal Slowenien dran!
Karolines „Corner“ wurde am Radlpass „kreiert“,
Gott sei Dank is ihr dabei nix passiert!
Uman Faaker See gefahrn san a von uns viele,
es woarn jo wieder die „Harley-Spiele“!
Das Wetter im September- a sommerlicher Traum,
dass Oktober is worden, man glaubt es kaum!

Oktober

46 Bikes hom zahlreich sich eingefunden,
um den Saisonabschluss abzurunden!
Frutten-Gießkirchen war das Ziel unserer Fahrt,
das Erklimmen des Turms hom viele sich erspart!
Zurück zum Route zum Kastanienessen,
das Einholen der Fahne wurd a net vergessen!
A bissale Wehmut, aber ans wiss ma schon,
a Jeder von uns freut sich auf die neue Saison!
Und wia der erste Schnee is gfoln,
homs a paar noch wissen wollen:
Fürn Varamani hot der Schnee auf der Soboth glocht,
der Gernot und der Ludwig hom sich a Spaßerl gmocht!
A Rundreise hom sie uns vorgegaukelt,
und net nur mi homs ordentlich verschaukelt!
Im Oktober fliagn net nur viele Muckn,
sondern a Schutzengalan, de Bikern bei Bedarf auf die Schultern huckn!
So wia dem Ludwig, des hom eh olle vernommen,
als ihm a Geisterfahrer is entgegenkommen!
Gmeistert homs de Situation wia gschmiert,
mia olle samma froh, dass nix is passiert!

Wo vüle Leut san, de a wos mochn,
tuats gach amol a a bissale krochn!
Das ghört dazua, wals Forum tuat leben,
und olle tuan a dazua etwas geben,
ob organisieren, schreiben oder ondere Sochn,
die mehrige Zeit gibt's vieles zum Lochn
bei Ausfahrten, Treffen, Lesen und Schreiben-
und i waß, des wird a immer so bleiben!
Zum Schluss möchte a paar Worte i noch sogn,
i hoff, ihr könnts mi noch a bissale ertrogn:

Für a etwaige geplante Reise
hob i fürn Gernot do schon amol a Speise
de er wirklich sollt versuchen:
aus Kastanienmehl a korsischer Kuchen!

Da Admin, unser Oberhaupt,
hot sich getäuscht, wenn er jetzt glaubt,
dass von mir unerwähnt er kommt davon-
aber i glaub, soweit kennt er mi schon!
Denn oft amol plagt er sich sehr,
gach hot er echt mit uns a Gscherr!
A bissale guatmochn möchte i des schon
mit Gutem aus meiner Eigenproduktion!

Und wal i den Mick und die Rita do sitzen seh gerade:
I hob net vergessen auf die Zwetschkenmarmelade!

Und a olle ondern, de do heut kommen sein,
kriagn von mir a Art Glücksbringerstein
in Form von an klanen Magnet,
damit des Glück a 2012 net vergeht,
beim Fahrn und a im sonstigen Leben
solls genauso fest und sicher an Euch kleben!

Moni 2011